



Umschreibung

Ee, 4



V I R O
ILLVSTRI ET EXCELLENTISSIMO.
D O M I N O
FRIDERICO HOFF-
MANNO,

CONSILIARIO ET MEDICO REGIO, PROFESSORI
CELEBERRIMO,

PATRONO AC PRAECEPTORI SVO
RELIGIOSE COLENDO,

VLTIMAM NECESSITATEM,

QVÆ
FILIVM

EFFLICITIM ATQVE VNICE AMATVM,

FRIDERICVM
ERNESTVM,

IUVENEM ERECTI INGENII, RARÆ INDOLIS, SPEI CERTIS-
SIMÆ, PATERNÆ VIRTVTIS EX ASSE HÆREDEM,

IN BAIIS CAROLINIS

IMPROVISO FATO COMPREHENSVM, SVB DECRETORII
MORBI ALEA MORTALI STATIONE DEMOVIT,

DOLENTER ET ACERBE DEPLORANTI,
AD FVNEBRE OBSEQVIVM

PIIS ET AMICIS MANIBVS
RITE AC ORDINE LITANDVM

HAS LACRIMARVM INFERIAS

IN CONIVNCTISSIMI DOLORIS SIGNIFICATIONEM
MERITO AC LVBENTER CONTRIEVIT

D. CHRISTIANVS AVGVSTVS
LICHTENHAHN.

MEDICVS SAXO - DVCARIS.

HALÆ MAGDEBVRGICÆ,
LITERIS JOH. CHRISTIANI HILLIGERI, ACAD. TYPOG.





Onfona Bilbilici vero est sententia vatis,
Qui facta a nullo dicit abesse loco.
Coelum, non farum, mutat, qui trans mare currit,
Vel petit a patriis diftra regna locis.
Abderitano natum puto sanguine, pelli
Qui putat e certis funera posse plagis.
Dicat Anaximenes, dicat Ptolomæus, & ille,
Qui passæ astimulat cognita regna togæ.

An verfabundæ moles circumvaga terra
Puncta exporrecto circumct ulla sinu,
Contra vim fati quæ dent instantis asylum,
Mors unde abruptis iuribus exul agat?
Cedat Hyperboreas lethum averfurus in oras,
Vita ubi protractas fertur habere moras,
Atque ubi Morbonæ favis deserta catervis
Se testudineo fert Libitina gradu.
Aut eat in vacuo tractus habitabilis aura,
Quos hilis Actæi somniat atra senis.
Laberis in Scyllam declinature Charybdim,
In labyrintheam forte ferente viam.
Nam velut excusso volat irrevocabilis arcu,
Quæ fugit ad fixum missa sagitta scopum:
Sic indeflexo proh! omnis limite tendit,
Quo sua se quemvis facta movere iubent,
I, fuge, festina Nabathæis ocyus Euris,
Farum ultra Geticas effugiture plagas.
Sis Eudoxei non mobilis incola montis,
Vel Tiburtini sis habitator agri.
Aut in Pergameo placeat tibi vivere fano,
Et Menclæa contere in arce dies.
Incuba Anariacæ, Tiberinum numen adora,
Fer Phalyfi Clario splendida sostra deo.

Frustra eris, & nusquam poteris propellere fatum,
Qua sol diffuso lumine lufrat humum.
Te dispalantem longe lateque sequentur
Presse fulmineo proxima fata pede.
Sique horam monstrat migrandi diphthera cœli,
Instruet exequias ultima Thule tuas.
Vel tibi de Samia tellure parabitur urna,
Materiamque dabit Theffala silva rogo.
Morborum sunt mille vices, mors undique tendit
Retia Dictæis insidiosa dolis.
Ipso in delubro sævit mors atra Salutis,
Dardaniaque feris cladibus arce furit.
Sæpius & Tibur Sardoam concipit auram,
Hyblæumque nocens inficit humot agrum.
Quot Lethæa ferunt sanantes pocula Baia,
Qualia Tarrareis suppeditantur aquis.
Quid mirum, HOFFMANNE, est, melioris conditor artis,
Gloria Pœonia non moritura scholæ,
Tristia si NATI Carolinis funera Baiis
Cernas, ante suum deproperata diem.
Ille saluiferas nuper tendebat ad undas,
Corporis exoptans integritate frui.
Ecce oritur mediis febrilis flamma sub undis,
Vitalesque urit Sirius ardor aquas.
Quo cadit in primo vernantis flore iuventa,
Herba velut multo sole perusta cadit.
Nec Tua prostratam valet instaurare salutem,
Quæ valet ingenio, quæ valet arte, manus.
Sic fuit in fatis: non insectanda voluntas
Numinis hanc mortis iusserat ire viam.
Nempe ubi fors rupit male textæ flamina vitæ,
Nullam exquisitum fert medicamen opem.
Nil Pyrrhi pollex, vel eburnea costa Lacani,
Cumque rheombrotio regia scopa valet.
Non Polydamantis quidquam auxiliatur imago,
Regalique iuvant pharmaca mixta manu.
Non pelli possunt Ephesinis funera signis,
Non Thressis cedunt fata timenda notis.
Nec Potosiriaca tum prodest norma diætæ,
Vel qualem Crinas Massiliensis amat.
Ialemus medicus tunc quilibet optimus audit,
Tunc cura Accsii vel Themisonis erit.
Ploras, insolito diducis pectora luctu,
Præcipitis lacrimæ fluminis instar eunt.
Et merito: perdis solatia grata senectæ,
Optimaque amittis spem columenque domus.
Cura erat ille Tua & Tua sola & summa voluptas,
Et decus & generis pars pretiosa Tui.
Induerat magnum generosa mente parentem,
In grande illustis nomen iurus avi.
Herculis in bivio positus, virtutis amator,
Virtutis, nusquam devius, ibat iter.
Quam recti studiosus erat, quæ cura decori,
Quantus erat veræ religionis amor.


Ridere explicito quam visa est. Gratiâ vultu,
 Quam molli ingenuus fronte federe Pudor.
 Splendebant mores cusi meliore metallo,
 Quos Charitum artifices perpoliere manus.
 Non deformatos mens electissima fructus
 Protulit, ingenii fertillioris opes.
 Museum cupido calicem libaverat ore,
 Pegaseis ferme pectora merlus aquis.
 Doctus Erectæ & Latiae secreta fenestra,
 Scite Gallorum noverat ore loqui.
 Illum naturæ iuvit spectare labores.
 Et quam dædaleo pollice fingat opus.
 Hinc Babylonicas mentem revocarat ad artes,
 Vt faceret Coi iussa verenda senis.
 Districta Herophili quot corpora viderat armis,
 Scissaque solerti membra cruenta manu.
 Noverat, herbarum quam sit prolixa potestas,
 Quam propriæ signent germina cuncta nota.
 Iamque Machaonium stadium permenlus, in arte
 Sub patriis ausis perficiendus erat,
 Cum tanta in primis subito spes tollitur herbis,
 Ac præsumta Tibi gaudia mille rapit.
 Ille medullaris dolor est, hic viscera stringit,
 Hic rodit fibras, hic fodit ossa dolor.
 Sed Tua perimitte quantum sapientia, luges,
 Frænatusque pia stat ratione dolor.
 Mens Tua per varios satis est exercita casus,
 Mortalem sobolem Te generasse tenes.
 Nec vox Arcadici propera de morte magistri
 Iudicium poterit sollicitare Tuum.
 Scis fortunatam quam sit translatus in urbem,
 Nec quam contigerint optima dona, fugia.
 Dum vivam, manes NATI venerabor amicos,
 Hærebirque oculis eius imago meis.
 At Te Leucadium, VIR MAXIME, servet in ævum
 Numen, & omnigena prosperitate beet!
 Solamen constans in prole superstitæ cernas,
 Et nomen referant ultima secla Tuum!



Ua 933^a
I. 4^o

ULB Halle 3
003 591 591





AC PRAECEPTORI SVO
IGIOSE COLENDO,
NECESSITATEM,
QVÆ
FILIVM
TQVE VNICE AMATVM,
ERICVM
ESTVM,
ENII, RARÆ INDOLIS, SPEI CERTIS-
VIRTVTIS EX ASSE HÆREDEM,
IS CAROLINIS
OMPREENSVM, SVB DECRETORII
ORTALI STATIONE DEMOVIT,
ET ACERBE DEPLORANTI,
NEBRE OBSEQVIVM
AMICIS MANIBVS
ORDINE LITANDVM
MARVM INFERIAS
I DOLORIS SIGNIFICATIONEM
C LVBENTER CONTRIBVIT
IANVS AVGVSTVS
TENHAHN.
CVS SAXO - DVCAEIS.

Æ MAGDEBVRGICÆ,
STIANI HILLIGERI, ACAD. TYPOG.

